

BOSNA i HERCEGOVINA
FEDERACIJA BiH
TUZLANSKI KANTON
Ministarstvo prostornog uređenja i zaštite okolice

Broj: 12/1-23-012642-1/19
Tuzla, 29.10.2019. godine

Na osnovu člana 69. stav 2. tačka e, člana 70. stav 1. i 4. Zakona o javnim nabavkama ("Službeni glasnik BiH" broj: 39/14), na preporuku Komisije za javnu nabavku broj: 12/1-23-012642-1/19 od 28.10.2019. godine u postupku javne nabavke – Nabavka roba i radova rekonstrukcije javnih objekata u skladu sa Akcionim planom energetske efikasnosti javnih objekata na području Tuzlanskog kantona za 2019. godinu – zamjena stolarije I, a nakon ponovne provjere kvalifikacija ponuđača prema uvjetima sudjelovanja navedenim u tenderskoj dokumentaciji, ministar Ministarstva prostornog uređenja i zaštite okolice Tuzlanskog Kantona donosi

ODLUKU
o poništenju postupka nabavke

I

Prihvata se preporuka Komisije za javnu nabavku broj: 12/1-23-012642-1/19 od 28.10.2019. godine u postupku javne nabavke – Nabavka roba i radova rekonstrukcije javnih objekata u skladu sa Akcionim planom energetske efikasnosti javnih objekata na području Tuzlanskog kantona za 2019. godinu – zamjena stolarije I za LOT-ove 2., 6. i 7 te se nabavka za ove LOT-ove poništava iz razloga što su cijene dostavljene kvalificirane ponude značajno veće od osiguranih sredstava za javnu nabavku.

II

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke za ove LOT-ove, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 12/1-23-012642/19 od 11.06.2019. godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je: (LOT 1 – 27.350,43 KM; LOT 2 – 25.641,03 KM; LOT 3 – 40.170,94 KM; LOT 4 – 29.059,83 KM; LOT 5 – 17.948,72 KM; LOT 6 – 113.675,21 KM; LOT 7 – 23.076,92 KM; LOT 8 – 55.555,55 KM).

UKUPNO PROCIJENJENA VRIJEDNOST: 332.487,63 KM.

Obavještenje o nabavci broj: 102-1-3-3-3-14/19 poslato je na objavljivanje dana 13.06.2019. godine, a objavljeno je na Portalu javnih nabavki dana 13.06.2019. godine, sažetak obavještenja o nabavci objavljen je u „Službenom glasniku BiH“, broj: 42 od 21.06.2019. godine.

Komisija za javnu nabavku imenovana je Rješenjem broj: 12/1-23-012642/19 od 11.06.2019. godine.

Ministarstvo prostornog uređenja i zaštite okolice je zaprimilo žalbu ponuđača „Niwx“ d.o.o. Derventa na Odluku o izboru najpovoljnijeg ponuđača broj: 12/1-23-012642-1/19 od 22.07.2019. godine. Ministarstvo je nakon zaprimanja žalbe od strane navedenog ponuđača istu sa Izjašnjenjima na navode žalbi uredno prosljedilo Uredu za razmatranje žalbi, podružnica Mostar.

Ured za razmatranje žalbi podružnica Mostar donio je Rješenje broj: JN2-03-07-1-2087-8/19 od 10.10.2019. godine. Postupajući po uputama donesenog Rješenja, a koje se odnose na ponovnu provjeru kvalifikacija ponuditelja prema uvjetima sudjelovanja navedenim u tenderskoj dokumentaciji Komisija za javne nabavke je izvršila ponovno odlučivanje počevši od faze utvrđivanja prihvatljivosti i kvalificiranosti ponuditelja.

Komisija za javnu nabavku dostavila je dana 28.10.2019. godine Izvještaj o radu, Zapisnik o ocjeni ponuda, Preporuku o izboru najpovoljnijeg ponuđača u postupku javne nabavke – Nabavka roba i radova rekonstrukcije javnih objekata u skladu sa Akcionim planom energijske efikasnosti javnih objekata na području Tuzlanskog kantona za 2019. godinu - zamjena stolarije I, te Preporuku o poništenju postupka javne nabavke za LOT-ove 2., 6 i 7.

Komisija za provođenje postupka javne nabavke je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: pet,
- Da je blagovremeno zaprimljeno: pet ponuda,
- Da su ponude ponuđača „Niwex“ d.o.o. Derventa, „GD konstrukcije“ d.o.o. Mostar i „Kuvvet“ d.o.o. Kalesija kvalificirane.
- Da ponude ponuđača „MEGA-ROLL“ d.o.o. Gračanica, „HDI“ d.o.o. Sarajevo, nisu kvalificirane iz razloga navedenih u Zapisniku o ocjeni ponuda.

POUKA O PRAVNOM LIJEKU

Protiv ove Odluke može se izjaviti žalba, kako je to propisano članom 99. Zakona o javnim nabavkama BiH najkasnije u roku od 10 (deset) dana od dana prijema ove Odluke.

MINISTAR

Elvir Rožnjaković

Dostavljeno:

- „Kuvvet“ d.o.o. Kalesija, Dubnica b.b., 75260 Kalesija,
- „Niwex“ d.o.o. Derventa, Polje b.b., 74400 Derventa,
- „GD konstrukcije“ d.o.o. Mostar, Kočine 198, 88000, Mostar,
- „Mega – roll“ d.o.o. Gračanica, Polje b.b. Miričina, 75320 Gračanica,
- „HDI“ d.o.o. Sarajevo, Gora b.b., 71321 Semizovac, Sarajevo,
- Evidenciji i
- Arhivi.